



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 КТПО 0023433 23
Sarajevo, 29.01.2024. godine

SUD BOSNE I HERCEGOVINE
SARAJEVO
Sudiji za prethodno saslušanje

Na osnovu odredbi člana 35. stav 2. tačka i) i člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH), podižem:

ОПТУЖНИЦУ

Protiv osumnjičenih:

1. Milana Komljenovića, [REDACTED] rodenog
1967.godine u [REDACTED] Kneževu,
[REDACTED]
državljanina Bosne i Hercegovine i Srbije,

Pravno lice „AGROKOMBINAT“ d.o.o. Banja Luka, [REDACTED]
[REDACTED]

zbog postojanja osnovane sumnje da su:

- I. Milan Komljenović**, postupajući u svojstvu direktora i odgovornog lica u pravnom licu „AGROKOMBINAT“ d.o.o. Banja Luka, [REDAKTIRANO], Banja Luka, u okviru poslovne djelatnosti pravnog lica „AGROKOMBINAT“ d.o.o. Banja Luka, kao poreskog obveznika u smislu odredaba člana 12. i 13. Zakona o PDV-u ("Sl.glasnik BiH", broj: 9/05, 35/05 i 100/08), u toku poslovne kalendarske 2015. godine za mjesec maj, juni i juli, u toku 2016. godine za mjesec april i juli i u toku 2017. godine za mjesec januar, juni, oktobar, decembar, u svojim knjigovodstvenim evidencijama evidentirao fakture o nabavci robe koje glase na pravna lica [REDAKTIRANO] iako stvarnog prometa nije bilo, te podnio Upravi za indirektno oporezivanje BiH mjesečne PDV-e prijave (samooporezivanje) neistinitog sadržaja, pružajući lažne podatke o činjenicama koje su od uticaja na utvrđivanje iznosa poreske obaveze, u namjeri da umani obavezu plaćanja po osnovu indirektnih poreza propisanih poreskim zakonodavstvom Bosne i Hercegovine u iznosu od 36.640,00 KM, tako što je obveznik suprotno odredbama člana 32. stav (1), (2), (9) i (7) tačka 1., člana 64. i člana 65. Zakona o PDV-u i člana 63. stav (1) Pravilnika o PDV-u izvršio neosnovan odbitak ulaznog poreza u toku poslovne/kalendaske 2015. godine u iznosu od 12.212,85 KM, u toku 2016. godine u iznosu od 12.603,80 KM i u toku 2017. godine u iznosu od 10.823,36 KM, čime je oštećen Budžet BiH u ukupnom iznosu od 36.640,00 KM;
- II. Pravno lice „AGROKOMBINAT“ d.o.o. Banja Luka** raspolagalo protivpravno ostvarenom imovinskom koristi u iznosu od 36.640,00 KM koju je u ime, za račun i u korist iste ostvario Milan Komljenović kao odgovorno lice u pravnom licu „AGROKOMBINAT“ d.o.o. Banja Luka postupajući u svojstvu direktora kao lica ovlaštenog za zastupanje subjekta upisa, na način opisan u tački I optužnice.

Dakle, pod tačkom I optužnice, Milan Komljenović izbjegao plaćanje davanja propisanih poreznim zakonodavstvom BiH pružanjem lažnih podataka o svojim stečenim oporezivim prihodima, a iznos poreza čije se plaćanje izbjegava prelazi 10.000 KM, dok je pod tačkom II optužnice pravno lice „AGROKOMBINAT“ d.o.o. Banja Luka raspolagalo protivpravno ostvarenom imovinskom koristi,

Čime su, pod tačkom I optužnice Milan Komljenović počinio produženo krivično djelo poreske utaje ili prevare iz člana 210. stav 1., a sve u vezi sa članom 54. Krivičnog zakona Bosne i Hercegovine, a pod tačkom II optužnice pravno lice „AGROKOMBINAT“ d.o.o. Banja Luka počinilo krivično djelo poreske utaje ili prevare iz člana 210. stav 1., u vezi sa članom 124. Krivičnog zakona Bosne i Hercegovine, a sve u vezi sa članom 54. Krivičnog zakona Bosne i Hercegovine.

TUŽILAC
TUŽILAŠTVA-TUŽITELJSTVA BiH